

Carolina Kostner cun la bagana

Nstadi à la campionessa de jadiné artistich de Urtijëi pudù pië do la scincunda che l Chemun de Urtijëi ti ova bele mpermetù dan n valgun mënsch, canche la ova arjont l podest a Sochi

Persones - Ti ultimi mënsch se à Franziska Beikircher deberieda cun la Lia Guanc dala gherdëina de Urtijëi cun a cë la presidënta Sandra Comploj cruzià de njenië ca na bela troht dala bagana sun misura per Carolina. Šën fòvel tan inant: n juebia ai 10 de lugio ie Carolina unida nvieda te Chemun, ulache l ambolt Ewald Moroder y l vizeambolt Armin Lardschneider ti à sëurandat ufizialmënter l bel guant che Carolina se à riesc trat sëura.

L ti va a puntin y la ie propi scialdi da catif furnida su cun l guant dala gherdëina. L ambolt Ewald Moroder à dit che "l ie bel che on pudù ti dé a Carolina Kostner zeche de nosta ravises, de nosta cultura y de nosta tradizion.

L nes fej gran plajëi che ëila à na gran legrëza cun la scincunda. Carolina à dit che la traierà



Carolina Kostner cun la bagana.

dessegur sëura l bel guant dala gherdëina pra vel' ucajion, canche la ie tlo a Urtijëi."

David Lardschneider



Da man ciancia: l vizeambolt Armin Lardschneider, la presidënta dla Lia Guanc dala gherdëina de Urtijëi Sandra Comploj, Carolina Kostner cun la bagana, l ambolt Ewald Moroder y Franziska Beikircher.